

1864.
6. apríl.

skilja opið bréf 29. maímán. 1839 um byggingarnefnd í Reykjavík á þann hátt, að fá skuli samþykki byggingarnefndarinnar og amtsins áður en nokkurt hús sè byggt innan takmarkanna á lögsagnarum dæmi bæjarins.

Um þetta efni skal yður hærmeð til vitundar gefið, yður til leiðbeiningar og til þess þér kunngjörið það, að eptir því, sem ákveðið er í 4. grein í lagaboði því, sem að ofan er getið, smbr. 3. gr. stafl. D., álitur dómsmálastjórnin að kveða eigi já við spurning þeirri, sem hér er um rætt.

9. apríl.

28. Bréf dómsmálastjórnarinnar til Gunnlaugs Tryggva Gunnarssonar, um styrk til að kynna sèr landbúnað í Noregi.

Eptir beiðni yðar í bréfi dagsettu 3. febrúarm. þ. á. hefir dómsmálastjórnin veitt yður 400 ríkisdala styrk til að ferðast til Noregs og dveljast þar 3 eður 4 mánuði til þess að kynna yður betur norskan landbúnað, einkum að því leyti, er hann gæti verið fyrirmynd fyrir umbótum á landbúnaðinum á Íslandi.

Þetta er yður hærmeð kunngjört, og skal því við bætt, að hlutast hefir verið til um, að fè þetta verði greitt yður úr aðal-féhirzlu ríkisins.

13. apríl.

29. Bréf kirkju- og kennslustjórnarinnar til stiptyfirvaldanna á Íslandi, um fjölgun á ölmusum við hinn lærða skóla.

Samkvæmt því, er alþingi það, er haldið var árið 1861, stakk uppá og nefnd sú féllst á, er síðar var skipuð í Reykjavík til að íhuga uppástungur þingsins um umbætur á hinum lærða skóla á Íslandi, hlutaðist stjórnarráðið til um, að í frumvarpinu til fjárlaganna fyrir fjárhagsárið 1864—65 var gjörð uppástunga um, að ölmusunum við Reykjavíkur lærða skóla, sem nú eru 24 að tölu, hver 100 rdl. að upphæð, verði fjölgað svo, að þær verði 40, og hefir ríkisþingið veitt fè það, alls 4000 rd., er stungið var upp á að veitt yrði til þessa, eins og betur

má sjá af fylgiskjali til fjárlaganna fyrir yfirstandandi fjárhagsár, að því er snertir gjöld til Íslands lútandi að kirkju- og kennslustjórninni, en það fylgiskjal var sent yður með bréfi hinnar íslenzku stjórnardeildar, dags. 30. f. m.

Um leið og þetta er kunngjört yður, yður til leiðbeiningar og athugunar, skorar stjórnarráðið á yður, herra stiptamtmaður, og yður, háæruverðugi herra, að annast um á hagfelldasta hátt, að það verði heyrum kunnugt á Íslandi, að ölmusunum við skólann hafi verið fjölgað, svo sem að ofan er greint.

1864.

13. apríl.

30. Bréf dómsmálastjórnarinnar til stiptamtmannsins og amtmannanna á Íslandi, um ávísanir og víxlbréf.

13. apríl.

Embættismaður nokkur á Íslandi hafði afsalað dómsmálastjórninni ávísun, sem hafði verið rituð á Íslandi og stýluð til hans, edur þess, er hann afsalaði hana, og hljóðaði ávísunin upp á verzlunarhús hér í borginni, og var svo til ætlazt, að stjórnarráðið lèti borga fèð inni aðalféhirzlu ríkisins, og skyldi það koma uppí tekjur nokkrar til ríkissjóðsins, er embættismaður þessi átti að standa skil á. En nú var hreyft þeirri spurning, hvort áðurgreind afsölun, sem rituð var á ávísunina á Íslandi, ætti ekki að stimplast eptir lögum fyrir konungsríkið frá 19. febrúarm. 1861 um stimpladan pappír, og hefir innanríkisstjórnin, sem eptir lögum þessum á með úrskurði sínum að gjöra út um allar spurningar, sem rísa útaf því, hvort skjöl eigi að stimpla, komizt að þeirri niðurstöðu, að svo eigi að vera.

Eptir þeirri þýðing, sem innanríkisstjórnin hefir lagt í lögin um hinn stimplada pappír, verður að álíta, að útgjört sè um, að ekki adeins beri að stimpla hverja þá afsölun, sem á Íslandi er rituð á ávísun, sem þar er út gefin, en á að borgast hér, og sá, sem ávísunina á að borga, eigi hefir ritað á skuldbinding sína til þess, heldur og að hið sama eigi sèr stað um ávísanir, sem eru útgefnar á Íslandi, og eiga að borgast hér og búíð er að rita á borgunarskuldbinding (*Accept*), en þar á móti eru einungis undanþegnar þessari skyldu þær ávís-